



Bazuar në nenet 11 dhe 12, paragrafi 2, pika c, të Ligjit Nr. 03/L-040 për Vetëqeverisje Lokale ("Gazeta Zyrtare e Republikës së Kosovës" Nr. 28/2008), nenin 13 shkronja c), Ligjin Nr.04/L-032 për Arsimin Parauniversitar në Republikën e Kosovës, Ligji Nr. 03/L-068 për Arsimin në komunat e Republikës së Kosovës, në Rregulloren (MAPL) Nr.02/2021 për Procedurën e Hartimit dhe Publikimin e Akteve të Komunës, Statutit të Komunës Nr. 01/38717, të datës 07.11.2019, Kuvendi i Komunës së Deçanit, në mbledhjen e mbajtur me datë 29.12.2023 miraton këtë:

V E N D I M

PËR APROVIMIN E RREGULLORES PËR PËRZGJEDHJEN E MËSIMDHËNËSIT TË DALLUAR PËR KOMUNËN E DEÇANIT

Neni 1

Aprovohet Rregullorja për përzgjedhjen e mësimitdhënës të dalluar për Komunën e Deçanit.

Neni 2

Pjesë përbërëse e këtij Vendimi është dokumenti me emërtimin, Rregullorja për përzgjedhjen e mësimitdhënës të dalluar, për Komunën e Deçanit.

Neni 3

Për zbatimin e këtij Vendimi kujdeset Drejtoria për Arsim e komunës së Deçanit.

Neni 4

Vendimi hyn në fuqi pas nënshkrimit nga Kryesuesi i Kuvendit dhe 15 dit pas regjistrimit në zyrën e protokollit të Ministrisë përgjegjëse për vetëqeverisje lokale , si dhe publikimit në gjuhë zyrtare në ueb faqen e Komunës.

Vendimi ju dërgohet: Ministrisë së Administrimit të Pushtetit Lokal, Kryetarit të Komunës, Drejtorisë për Arsim dhe Arhivit.

01.Nr.XI-7

Deçan, dt.29.12.2023

KUVENDI I KOMUNËS SË DEÇANIT



Kryesuesi i Kuvendit:
Hajdar SUTAJ



REPUBLIKA E KOSOVËS
REPUBLIC OF KOSOVA
REPUBLIKA KOSOVA

KOMUNA E DEÇANIT
MUNICIPALITY OF DEÇAN
OPSTINA DEÇAN



Bazuar në nenet 11 dhe 12, paragrafi 2, pika c, të Ligjit Nr. 03/L-040 për Vetëqeverisje Lokale (“Gazeta Zyrtare e Republikës së Kosovës” Nr. 28/2008), nenin 13 shkronja c), Ligjin Nr.04/L-032 për Arsimin Parauniversitar në Republikën e Kosovës, Ligji Nr. 03/L-068 për Arsimin në komunat e Republikës së Kosovës, në Rregulloren (MAPL) Nr.02/2021 për Procedurën e Hartimit dhe Publikimin e Akteve të Komunës, Statutit të Komunës Nr. 01/38717, të datës 07.11.2019, Kuvendi i Komunës së Deçanit, në mbledhjen e mbajtur me datë 29.12.2023 miraton këtë:

RREGULLORE NR.4/2023 PËR PËRZGJEDHJEN E MËSIMDHËNËSIT TË DALLUAR

Dispozitat hyrëse

Neni 1 Qëllimi


1.1 Kjo rregullore ka për qëllim motivimin e mësimit në drejtim të avancimit të punës së tyre në procesin edukativo-arsimor, kryerjen e detyrave me përkushtim dhe shtimin e angazhimit të tyre për arritjen e pritshmërive dhe përbushjen e objektivave.

1.2 Me këtë rregullore përcaktohen procedurat dhe kriteret për përzgjedhjen e mësimit në nivel të institucionit edukativo-arsimor dhe në nivel komune.

1.3 Mësimit i dalluar në nivel institucioni edukativo-arsimor dhe në nivel komune zgjidhet në çdo vit shkollor.

Neni 2 Fushëveprimi

Dispozitat e kësaj rregulloreje duhet të zbatohen nga të gjitha institucionet edukativo-arsimore në komunën e Deçanit, për nivelet e arsimit 0,1,2 dhe 3.



Neni 3 Përkufizimet

Për qëllim të kësaj rregulloreje, termet e përdorura në këtë rregullore kanë kuptimet si në vijim:

3.1 Institucioni edukativo-arsimor i përfshinë të gjitha institucionet e niveleve të arsimit 0, 1, 2 dhe 3.

3.2 Mësimdhënës i dalluar përfshinë mësimdhënësit/edukatorët e nivelit 0, 1, 2 dhe 3.

Neni 4 Kriteret për përzgjedhjen e mësimdhënësit të dalluar

Kriteret për përzgjedhjen e mësimdhënësit të dalluar janë:

- 4.1 Kualifikimi adekuat;
- 4.2 Përvoja e punës në procesin edukativo-arsimor, së paku pesë vite;
- 4.3 Realizimi i punëve dhe detyrave me ndikim në procesin edukativo-arsimor;
- 4.4 Puna që e veçon nga të tjerët (rezultatet);
- 4.5 Organizimi i mësimin shtues dhe plotësues me nxënës;
- 4.6 Organizimi dhe mbajtja e aktiviteteve jashtë kurrikulare (ekstra kurrikulare);
- 4.7 Raportet dhe bashkëpunimi me kolegët, drejtuesit e institucionit dhe prindërit;
- 4.8 Trajnime profesionale të përfunduara, të cilat janë të licencuara dhe të akredituara;
- 4.9 Plotësimi i dokumentacionit zyrtar pedagogjik;
- 4.10 Kontributi në aktivin profesional;
- 4.11 Nismëtar i iniciativave në kuadër të shkollës për përmirësimin e procesit edukativoarsimor;
- 4.12 Portofolia e mësimdhënësit (shkollimi, mirënjohje, trajnime, lëvdata etj);
- 4.13 Bashkëpunimi me prind;
- 4.14 Rezultatet e nxënësve në gara në shkollë, DKA, etj;

Neni 5

Kriteret janë të bazuara në këto standarde

Standardi 1: Njeh dhe i mbështetë vlerat dhe kriteret kryesore që janë vendosur nga MASHT-i /përgjegjësi karshi detyrimeve dhe obligimeve të punës.

Standardi 2: Demonstron qëndrime dhe sjellje pozitive dhe objektive për mirëqenien e nxënësve dhe mësimit.

Standardi 3: Demonstron njohje të kurrikulës/përmbajtjes lëndore dhe metodikës së didaktikës profesionale të lëndës.

Standardi 4: Planifikon zbatimin efektiv të mësimdhënies dhe mësimnxënies.

Standardi 5: Planifikon vlerësimin e vazhdueshëm (vlerësimin për të mësuar), ofron komente kthyesë dhe raporton sa i përket mësimit të nxënësve.

Standardi 6: Angazhohet për zhvillim të vazhdueshëm profesional.

Standardi 7: Angazhohet profesionalisht me kolegë, prindër dhe bashkësi

Neni 6

Procedurat e përzgjedhjes së mësimdhënësit të dalluar

5.1 Procedura e përzgjedhjes së mësimdhënësit të dalluar realizohet në dy javët e fundit të muajit janar, të çdo viti shkollor.

5.2 Drejtori i institucionit edukativo-arsimor e cakton dhe e udhëheq mbledhjen e Këshillit të Mësimdhënësve për përzgjedhjen e mësimdhënësit të dalluar.

5.3 Në këtë mbledhje duhet të formohet komisioni në përbërje prej tre anëtarëve.

5.4 Për shkollat fillore dhe të mesme të ulëta, në komision duhet të përfshihet një edukatore e klasës përgatitore, një mësimdhënës nga cikli fillor (Klasa 1-5) dhe njëmësimdhënës nga cikli i mesëm i ulët (Klasa 6-9), kryetari i këshillit të prindërve në shkollë, pedagogu ose psikologu i shkollës.

5.5 Për shkollat e mesme të larta, në komision duhet të përfshihen tre mësimdhënës (një për klasat e dhjeta, një për klasat e njëmbëdhjeta dhe një për klasat e dymbëdhjeta), kryetari i këshillit të prindërve në shkollë, pedagogu ose psikologu i shkollës.

5.6 Këto komisione përkatëse e organizojnë dhe mbikëqyrin procesin e votimit dhe kanë për obligim të krijojnë kushte dhe të sigurojnë një proces të rregullt dhe transparent dukemundësuar kështu që të zgjidhet mësimdhënësi i dalluar mbi baza të meritokracisë.

5.7 Në procedurën e propozimit për përzgjedhjen e mësimdhënësit të dalluar, mësimdhënësit mund të propozojnë, të jenë të propozuar dhe vetë-propozuar, për t'i hyrë garës për t'u përzgjedhur mësimdhënës i dalluar në nivel të shkollës, nëse i plotëson kriteret sipas nenit 4 të kësaj rregulloreje.

5.8 Pas propozimeve dhe verifikimit të plotësimit të kriterëve sipas nenit 4 të kësaj rregulloreje, komisioni fillon me krijimin e këndit të votimit dhe procedurën e votimit.

5.9 Numri i votave të vulosura duhet të jetë në përputhje me pjesëmarrësit në mbledhje dhe votimi bëhet në mënyrë të fshehtë, në një mjedis që garanton fshehtësinë e votës.

5.10 Nëse pas raundit të parë të votimit, dy ose më shumë kandidatë janë të barabartë me vota, atëherë vazhdohet me raundin e dytë të votimit, deri në përzgjedhjen e mësimdhënësit të dalluar në nivel të institucionit edukativo-arsimor.

5.11 Komisioni duke u bazuar në rezultatet e votimit shpall mësimdhënësin e dalluar në nivel të institucionit edukativo-arsimor.

5.12 Drejtori i shkollës luan rol mbështetës dhe mbikëqyrës të procesit si dhe merre pjesë në votim.

5.13 Këshilli Drejtues i Shkollës (KDSH) duhet të jetë i pranishëm në cilësinë e vëzhguesit të procesit të përzgjedhjes.

5.14 Pas përzgjedhjes së mësimdhënësit të dalluar në nivel të shkollës, kërkohet edhe aprovimi nga Këshilli Drejtues i Shkollës.

Neni 7 **E drejta në ankesë**

Kandidatët e pakënaqur me procesin e përzgjedhjes së mësimdhënësit të dalluar dhe me vlerësimin e tyre, kanë të drejtë ankese në institucionin edukativo-arsimor, në afatin prej tre ditësh dhe në Drejtorinë Komunale të Arsimit, në afatin prej 7 ditësh.

Neni 8 **Procedimi në DKA**

7.1 Pas aprovimit nga Këshilli Drejtues i shkollës, të dhënat për përzgjedhjen e mësimdhënësit të dalluar në nivel të shkollës dërgohen në DKA, pas afatit tre ditësh të ankesave.

7.2 Në DKA, në javën e parë të muajit shkurt, dorëzohet kopja fizike e dosjes së mësimdhënësit të dalluar, e cila duhet të përmbajë biografinë dhe të gjitha dëshmitë për punët dhe aktivitetet e kryera.

7.3 DKA formon komisionin për përzgjedhjen e mësimdhënësit të dalluar në nivel komune i cili përbëhet prej pesë anëtarëve.

7.4 Në përbërje të komisionit për përzgjedhjen e mësimdhënësit të dalluar në nivel komune, duhet të përfshihen tre zyrtarë të DKA-së, një përfaqësues i Këshillit të Prindërve të Komunës dhe një drejtor i institucionit edukativo-arsimor.

7.5 Komisioni i DKA-së do të bëjë vlerësimin e dosjeve sipas kriterëve për përzgjedhjen e mësimdhënësit të dalluar në nivel institucioni edukativo-arsimor dhe përzgjedh mësimdhënësin e dalluar në nivel komune, i cili propozohet kandidat për çmimin tradicional “Shaban Jashari”, mësimdhënës i dalluar në nivel vendi.

Neni 9 **Ndarja e shpërblimeve**

8.1 Mësimdhënësi i dalluar në nivel të institucionit edukativo-arsimor shpërblehet me shumë monetare prej 400€ (katërqind euro).

8.2 Mësimdhënësi i dalluar në nivel të komunës shpërblehet me shumë monetare 800€ (tetëqind euro).

8.3 Këto shuma janë minimale dhe varësisht nga mundësitë buxhetore të komunës, mund të jenë edhe më të larta.

Neni 10

Ndarja e mirënjohjeve për mësime dhënësit e pensionuar

9.1 DKA do të organizoj takimin tradicional me mësime dhënësit që pensionohen gjatë një viti shkollor.

9.2 Takimi tradicional me mësime dhënësit e pensionuar do të mbahet në muajin mars, për nderë të ditës së mësuesit/ës të çdo viti shkollor.

9.3 Mësime dhënësit të dalluar, DKA do t'u ndajë mirënjohje.

9.4 Drejtoreshave të shkollave që kalojnë vlerësimin e jashtëm me performancë në vitin e fundit të mandatit nga SIA-Pejë, DKA do t'u ndahet mirënjohje nga zyra e kryetarit të komunës në bashkëpunim me DKA-në.

Neni 10

Dispozitat përfundimtare

10.1 Interpretimin e kësaj rregulloreje e bën Drejtoria Komonale e Arsimit në Deçan.

10.2 Shfuqizohet të gjitha vendimet tjera që bijën ndeshë me këtë rregullore.

Neni 11

Hyrja në fuqi

Kjo rregullore hyn në fuqi pas nënshkrimit nga Kryesuesi i Kuvendit dhe 15 dit pas regjistrimit në zyrën e protokollit të Ministrisë përgjegjëse për vetëqeverisje lokale , si dhe publikimit në gjuhë zyrtare në ueb faqen e Komunës.

01.Nr.XI-7

Deçan,dt.29.12.2023

KUVENDI I KOMUNËS SË DEÇANIT

Kryesuesi i Kuvendit
Hajdar SUTAJ